

di XI ballote, et da altri titoladi, et introe el Donado *immediate*. Fu fato ai X savij sier Nicolò Trivixan, fo a le raxon nuove, *quondam* sier Cabriel.

26 Fu posto parte, per il colegio, che le carte e inchiostro a le cancelarie, si tolleva a spexe de le camere, *de cætero* lhorò pagasse; et fo presa. Et fo per la relation di sier Andrea Loredan da Brexa.

Fu posto, per tutto il colegio, scriver a Roma, che a uno fiol di sier Rigo Badoer, el qual parte di una caxa se li brusò, havesse beneficij per ducati 400; et fu presa.

A dì 26. Zonse la nave, patron Zuan Boza, con formenti, di raxon di la Signoria, stera 3500, et uno maran, *etiam* con formenti, di la comprada fata da sier Stefano Contarini e compagni, di Cicilia. *Item*, si ave, a dì 13 di questo, le galie di Fiandra, vanno in là, zonse a Mesina et *Item*, per fortuna in mar esser peridi assa' navilij.

Da poi disnar' fo conseio di X.

In questi zorni vidi una letera, di 27, molta copiosa di nove, venute in sti ultimi pregadi, lete le letere, la qual è questa:

Da Milam, di Lunardo Biancho, secretario, di 17. Domino Zuan Jacomo Triulzi era andato a Varese, loco verso Como, per far la mostra de le gente, perchè i danari di la paga erano stà mandati di Franza, la qual monstra è consueta. El marchexe di Monfera' era resentito di febre, soprazona per la roptura di la gamba, quando el caschò da cavallo; el ducha Philiberto di Savoia era morto di febre acutissima, in locho dil qual fin a quel di non era successo alcun, *licet* quella succession si fazi *per lineam ordinariam de propinquieribus*. *Item*, monsignor di Ravasten, che vien prescidente de Milam, era zonto a Lion, et se atendea in Milan di breve.

Di Franza, da Bles, di 9 et XI septembrio. Come a dì 6 zonse l' orator cesareo, senza comitiva, per confirmar lo apontamento, concluso *alias* a Trento per el cardinal Roan; et sperava seguiria bona pace *inter eos*. *Item*, avisa dil partir monsignor Ravasten per Milan.

Di Yspania, di 31 avosto. El signor Prospero Colonia era zonto a Licanti con el ducha Valentino, quale, secondo la diliberatione fata per la alteze regie, è destinato a finir la vita in el castello de Sativa nel regno de Valenza. El re era resanato; la regina ancora giaceva con febre, non da conto. Era grandissima penuria de grano, *quamvis* i reali habino fato molte provisione.

Da Lisbona, per letere dil Faitato, a l' ora-

I Diarii di M. SANUTO. — Tom. VI.

tor nostro è in Spagna. Come atendeano alcune charavele di ritorno di Coloqut, di le qual era aviso venivano con bon cargo; e quel re havia preparato certo altro numero per ditto viazo, nel qual erano due galie sotil, quale se dicea voler mandar desfate, che poi de li se aconzerano.

Item, era zonto uno homo, mandato per quel Colombo, che za andò con 4 charavele a la navigatione per ponente, dil qual non se havea auto nova za più tempo, et se giudichava fosse mal capitato. Dice haver navigato a la banda di verso ponente mia 12 milia, e haver trovato terra ferma pocho distante dal Chatajo, che è loco de l' India; et che per fortune i navilij erano periti; et pregava la maestà dil re lo mandasse a levar con qualche charavella; et che lui era stà mandato per ditto Colombo, per avisar che l' era vivo; et era navigato con certo zopolo a la ventura, de loco in loco, fin che l' era zonto. Non narra altre particolarità, ma se reserva ad avisar *copiosius* per altre, fono grandi avisi; bisogna aspectar il successo di quel sequiria.

Da Tunis di Barbaria, di 26 avosto, di sier 26*
Piero Bragadin, capetanio di le galie di Barbaria. Avisa, che havendo inteso, che l' re di Tunis, *terra et mari*, havea mandato a Tripoli, per vendicharsi con el signor di quel locho, nominato Monganis, el qual havea rebellato et usato grande crudeltà in far occider alcuni merchadanti mori, per el qual aviso habia deliberato, con el conseio di 12, andar a l' ixola de Zerbi, dove haveano hauto optima compagnia da quel cayto, e haveano contrato per valuta di ducati X in 12 milia, con don di tutti i dreti di quel signor, el qual havea mandà a pregar el capetanio, che procurasse con la Signoria nostra, che *de cætero* le galie nostre fazano schalla in ditto loco, che prometeno redur la caravana di saraxini et molti altri trafegi utili a ditto viazo. *Item*, i patroni haveano tratto de nolo de li da ducati 400.

Da Constantinopoli, di 28 luio. Come el signor *adhuc* era fuora a spasso; e diferiva el ritorno, per veder la resolutione dil fiol bastardo, fo dil vayvoda, qual è in la soa corte, e con el favor di quello pretende succieder nel stato dil padre, defuncto *superioribus diebus, quamvis* el re di Hongaria pretenda poner in quello uno di duo fradeli dil ditto bastardo, el qual è fiol di una di Rossia, et questi do di madre hongaricha, e sono menori di età dil primo.

Di Hongaria, di 7 et 8. Come il re era assa' libero di febre. Et era zonto l' orator turecho, al qual se faceva le spexe, e havea conduto certo preson, el